



## **Codex diplomaticus Brandenburgensis**

Sammlung der Urkunden, Chroniken und sonstigen Quellenschriften für  
die Geschichte der Mark Brandenburg und ihrer Regenten

Sammlung für allgemeine Landes- und kurfürstliche  
Haus-Angelegenheiten

**Riedel, Adolph Friedrich**

**Berlin, 1860**

142. Markgraf Johann dankt seiner Mutter für ihm geliehenen Schmuck,  
am 30. August 1475.

---

---

**Nutzungsbedingungen**

[urn:nbn:de:hbz:466:1-55801](https://nbn-resolving.org/urn:nbn:de:hbz:466:1-55801)

142. Markgraf Johann dankt seiner Mutter für ihm geliehenen Schmuck,  
am 30. August 1475.

Was wir in kintlicher trew vnd gehorsam liebs vnd guts vermogen allezeit zuor. Hochgeborne Furstin, liebe fraw muter. Vlz sendung solichs gefmucks, ewr lieb zugehornde, vns durch vogeln geantwort, erkennen vnd vermercken wir mütterlich zuneygung, trew vnd all freuntschafft, wollen das, wo wir können oder mögen, als vmb vnser liebe frow muter mit gehorsam vleis williclich verdinen vnd solichen gefmuck zu seiner zeit mit danckparkeit vnd grossen willen wider schicken; Mit funderm vleis bittende, euch vns lassen gutlich benolhen sein, das best gein vnsern lieben heren vnd vater allezeit fur zu wenden, wollen wir vmb dieselben ewr lieb williclich verdinen: vnd wer vns sunder frewd ewer vnd vnser lieben gewisterget gesuntheit wolmogend vnd glucklichs zusteen oft vnd dick zu uernemen vnd solichs vns zu mer malen zu uerkundigen begirlich, bitten, wann es vns vnd vnsern gewistergeten hirinnen von den gnaden gots gar wol geet, auch frisch vnd gesundt sein. Datum Coln an der Sprew, am mitwochen nach Augustini, Anno domini etc. LXXV<sup>to</sup>.

Johanns, von gottes gnaden  
Marggraue zu Brandenburg, zu Stettin,  
Pomern etc. Hertzog, Burggraue zu Nuremberg  
vnd furste zu Rugen etc.

Der Hochgeborenen furstin, vnser lieben  
fraw muter, frawen Annen, Marggreuin  
zu Brandenburg, zu Stettin, Pomern etc.  
Hertzogin, Burggreuin zu Nuremberg vnd  
furstin zu Rugen etc.

Beilage:

Wir schicken ewer lieb hiemit einen Elblachs, vnd so ewr lieb hinfurder vf die vasten von lechsen, newnowgen oder andern vischen ichtzit haben will, Lafz vns ewer lieb zeitlicher wissen, wollen wir solichs vnd anders zu eurem gefallen, was des hirinnen zu bekommen ist, gerne hinaufz zu schicken bestellen. Datum vt supra.

Nach dem Originale des Königl. Hausarchives.